

Universitätsbibliothek Paderborn

**Theodōritu Episkopu Kyru Kai Eyagriu Scholastiku
Ekklēsiastikē Istorya, Eklogai Apo Tōn Istoryōn
Philostorgiu Kai Theodōru**

Theodoreetus <Cyrrhensis>

Mogvntiae, 1679

In Caput II.

urn:nbn:de:hbz:466:1-14162

DE DUABUS
SYNODIS ROMANIS,
IN QUIBUS DAMNATUS EST
ACACIUS.

Caput I.

Historiam damnationis Acacii recte quidem ac diligentissimè, ut solet, exposuit Baronius in Annalibus Ecclesiasticis. Unum tamen est quod ejus diligentiam fugit. Neque enim animadveritus Acaciū à Felice Papab⁹ damnatum fuisse. Sed neque Blondellus, qui Acacii Historiam post Baronium retractavit, in libro de primatu Ecclesie id observasse reprehendit. Et Baronio quidem danda est venia, quippe qui nullum habebat veterem Scriptorem, ex quo iteratam hanc Acacii damnationem haurire posset. Blondellus verò excusari nullo modo potest, qui gesta de nomine Acacii à Jacobo Sirmundo edita studiosè legerebat, ita quibus distet scriptum habetur id quod dixi. Sic enim loquitur Felix Papa in epistola ad Veneracionem Episcopum. “Unde meritò praeditus Acacius, Apostolicæ Sedis, quæ nunc “executrix utique sapientiæ Chalcedonensis Concilii pro fide Catholica tunc probat non defuit, “iterata excommunicatione depulsus est, ne per “eum, quod absit, nos quoque reddamur complices perditorum.” Nostrum igitur est sedulo inquirere, quando primùm, & quando iterum ab Apostolica fede excommunicatus fuerit Acacius.

In Caput II.

Primum quidem damnatus est Acacius in Synodo Romana quæ collecta est anno Christi 484. Venantio & Theodorico Coss. ad audiendam rationem legationis Vitalis atque Miseni. Huic autem legationi causam dederat Joannes Alexandrinus Episcopus, quem Græci quidem Tabennensiorum cognominant, eò quod esset ex numero Tabennenorum Monachorum, qui apud Canopum Monasterium habebant jam inde à Cy-

A rilli Episcopi temporibus: Liberatus verò Talaiam perpetuò cognominat, vel Talaïdam. Sic eam scribit Baronius: Ego verò Thladiam mallem restringere, id est Eunuchum. Ita enim Græci appellare solent Spadones. Hic Joannes post mortem Timothei Salofacioli, à Catholicis ordinatus est Episcopus Alexandriæ anno natalis Dominicæ 481. Statimque post ordinationem suam Synodicas litteras ex more misit ad Simplicium Papam, & ad Calendionem Episcopum Antiochiae, ut ex Gelaio in gestis de nomine Acacii, & ex Liberati Breviario didicimus. Ad Acacium verò Constantinopolitanum Episcopum Synodicas mittere neglexit, seu quod amicitiae Hilli magistri officiorum nimis consideret, seu quod jam diu antea infensus erat Acacio, ut inuit Liberatus. Ea res Acacii animum graviter commovit. Qui se à Joanne despœctum videns, Imperatoris animum adversus eum exasperavit, minus idoneum Episcopatum Alexandrino cum esse dicens, qui olim de Ecclesia exire voluisset, & Timotheo Salofaciolo suassisset, ut nomen Dioscori sacræ dptychis insiceret; ad hæc perjurii reum esse affirmans, quippe qui jurasset olim Imperatori, nunquam f̄e Alexandrinam sedem ambiturum. Petrum vero Mongum magis idoneum esse Episcopatum afferebat, utpote gratum arque acceptum populo Alexandrinorum; ejusque opera Ecclesias urbis Alexandrinæ ac totius Aegypti ad unitatem reduci posse. His ad ductus Imperator Zeno, scriptit primo litteras ad Simplicium Papam per Uranium subadjuvam, quibus Joannem supra memoratum, tanquam perjurii reum, quod quidem Acacio etiam Episcopo notum esse perhibebat, sacerdotio judicabat indignum. Satius autem esse dicebat, ut ad procurandam Ecclesiarum Aegypti unitatem atque concordiam, Petrus in eam sedem restitueretur. His Imperatoris litteris acceptis, Simplicius Papa qui Joannis Apochrisarios in communionem suam recipere, ejusque ordinationem sententia sua confirmare jam paratus erat, pedem repressit, ne contra Imperatoris testimonium quidquam preproperè egisse videatur. Mox per cundem Uranium subadjuvam rescripsit Imperatori: Quod quidem ad Joannis

z 2 ordi-

180 De Acacio Constantinopolitano Episcopo,

ordinationem attinet, leto Imperatoris testimo-
nio suspendisse se ab ejus confirmatione;
quod vero ad restitutionem attinet Petri, eum
ut pote hæreticum & ab hæreticis postulatum, nec
posse nec debere restitui, quippe qui Apostolico ju-
dicio damnatus, in pristino errore adhuc perma-
neret. Scripsit etiam Simplicius litteras ad Aca-
cium Constantinopolitanum Episcopum, quæ
etiam extant. Harum litterarum mentio fit
in libello citationis, per Vitaliem ac Misenum
legatos ad Acacium directo. At Zeno cum id
quod maxime cupiebat, restitutionem scilicet
Petri, sibi à Simplicio denegatum videret, gra-
viter offensus est, quemadmodum testatur Ge-
lafius in gestis de nomine Acacii. Spreta igitur
responsonie Simplicii Papæ, scriptis ad Per-
gamum Ducem Ægypti & ad Apollonium Au-
gustalem, ut Joannem quidem ex urbe Alexandrina
expellerent, Petrum vero in Episcopali
fede collocarent. Has Imperatoris litteras
Amon Abbas, & qui cum illo erant Apochry-
farii Petri, ex urbe regia Alexandriam detulerunt;
hunc in modum ejectus Joannes, Ro-
manum ad Simplicium se contulit, ut ejus ope ac
suffragio prætinam sedem recuperaret. Ac Sim-
plicius quidem Papa eum benignè, ut par-
erat, exceptit, & ad eum omni ope juvan-
dum ac restituendum, promptum se ac para-
tum exhibuit. Verum fatali morte præceptoris,
totum illud negotium Successori suo perficien-
dum reliquit. Mortuo Simplicio Papa anno
natalis Dominici 483. Cælius Felix in ejus lo-
cum substitutus. Cui mox post peracta or-
dinationis solennia, in celeberrimo Conven-
tu Episcoporum totius talis, Joannes Alexan-
drinus Episcopus libellum obtulit, varia ad-
versus Acacium criminationis capita continen-
tem. Felix igitur ex consilio Episcoporum,
legationem ad Zenonem Imperatorem mitti de-
cernit. Electi ad id munus obeundum Vita-
lis ac Misenus Episcopi, cumque his Fe-
lix defensor Ecclesie Romanæ, perituri ab
Imperatore, primo quidem ut Chalcedonen-
se Concilium firmaretur; deinde vero ut Pe-
trus tanquam hæreticus ex Alexandrina pelle-
retur Ecclesia; utque Acacius Romanam mit-
teretur, libello Joannis Alexandrini respon-
sarius, quemadmodum scribit Evagrius in li-
bro tertio Historiæ Ecclesiastice. Extant ho-
dieque epistolæ due Felicis Papæ ad Zenonem Augustum, quas Vitalis & Misenus Epis-
copi secum detulerunt, in quibus contine-
tur id quod supra dixi. Illud autem imprimi-
mis observandum est, quod cum in supradictis litteris Felix omni studio ab Imperatore
contendat, ut Petrus de Alexandrina se-
de exturbetur, de Joanne tamen in suum
locum restituendo ne verbum quidem ullum
dicit. Quod quidem prudenti consilio à Fe-
lice factum esse suspicor, ne Imperator Joannis
nomine offendetur. Invisus enim erat
Zenoni Joannes, tum ob admisum perju-
rium ut jam dixi, tum ob amicitiam quæ ei
cum Hillo intercedebat. Nam & ante Episco-

A patum Joannes cùm esset Oeconomus Eccle-
siae Alexandrinae, & omnium Ecclesiastum re-
ditus ac pecunias administraret, multa munera
ad Hillum Magistrum officiorum miserat, qui-
bus ejus gratiam ac suffragium sibi compara-
ret. Et posteaquam Episcopatu dejectus fu-
set, cùndem Hillum adierat Antiochiae, de re-
bus suis cum eo collocturus, ut scribit Li-
beratus in Breviario. Detulerunt præterea idem
Legati Sedi Apostolice, litteres Felicis Papa
ad Acacium, quibus cum admonebat Felix, ut
memor veteris instituti, se ab omni sufficio-
ne liberaret, & pro Chalcedonensis Concili-
i auctoritate firmanda modis omnibus apud
Principem laboraret. Dum hac legatio in nit-
tere esset, Cyrus Accemitensum Prefectus,
litteras misit ad Felicem Papam, quibus de ni-
mia ejus tarditate conquerebatur, cùm interim
tam gravia ac nefaria contra rectam fidem ad-
mitterentur. Scriptis itaque Felix ad Vitalem
ac Misenum Episcopos, ne quidquam agerent,
priuilegium cum Cyrillo collocti essent, & quid
agendum esset ab eo didicissent. Alias etiam
instructiones seu commonitoria ad eos mi-
sit. Alteram item Epistolam ad Zenonem Au-
gustum, in qua tum de Chalcedonensi Concili-
o, tum de persecutione Catholicorum ab Hu-
nerico in Africa excitata, cum commonebat,
ut testatur Evagrius. Verum hæ posterio-
res Felicis ad Zenonem litteræ hodie non extant.
Legati cum Abydum venissent, illic
ab Imperatoris satellitibus comprehensi, &
chartis corum ablatis, custodia mancipati sunt.
Anastasius quidem Bibliothecarius, apud Hera-
cleam Thracie oppidum eos captos esse scribit.
Verum Theophanem potius sequendum esse ex-
istimo; quippe qui in hujus rei narratione certiora
dixerit quam Anastasius. Conjectis in
custodiâ Legatis, primo quidem minatus
est Imperator sece eos interfectum, nisi
Petro & Acacio communicarent. Sed cum mi-
næ nihil proficerent, ad blanditiis conver-
sus, donis ac muneribus eos corrumpere ag-
gressus est. Addito etiam jurejurando, tam ipse
quam Acacius iisdem pollicitus est, integrum
causam Apostolice Sedi servandam esse, nec
ullum inde præjudicium causa futurum, si Lega-
ticum Acacio ac Petro communionis societatem
iniissent. Testatur id Gelafius Papa in
epistola ad Episcopos Dardaniorum, hanc procul
ab initio ita scribens: Sed Acacius non solum
despexit satisfacere postulatis, verum etiam i-
psam Legationem Sedi Apostolice, blandi-
mentis, præmiis perjurisque deceptam, qui-
bus ei cum Imperatore promisit, integrum
Præsulis Apostolici causam de omnibus esse
servandam, Petri communione pollutam re-
dire perfecit. His artibus decepti Legati,
cum è custodia producti essent, una cum
Acacio & Petri Apocrisiariis ad Ecclesiam pro-
cesserunt, & Missarum solennia celebrarunt, re-
clamantibus licet Orthodoxis, & prævarica-
tionem hanc esse ac perditionem recte fidei,
semel

semel, iterum ac tertio contestantibus. Primum quidem protestationis libellum funiculo ad hanc circumligantes, uni ex Legatis suspenderunt; secundum vero in codicem immiserunt: tertium olerum cophino inserentes, ad Legatos miserunt, ut scribit Theophanes in Chronico. Cujus verba ex versione Anastasii Bibliothecarii ita sunt corrigenda: *διά την βίβλον επικαλλέσθαι*. His ita gestis, Legaris sedis Apostolicae opperti ignominia ac dedecore revertuntur; cum non solum ea ad quam agenda missi fuerant, non egissent: sed cum Petro, ad quem expellendum directi erant, inita communione polluti essent. Porro Zenonis & Acacii litteras, quas illi ad Felicem Papam rescriperant, Roman redeentes secum detulerunt, plena contumeliarum in Joannem: Petri vero laudibus ac preconis refertas. Epistola quidem Zenonis Augusti partem refert Evagrius in libro 3. De Acacii autem epistola Felix Papa, & Synodus Romana, & Gelatius in gestis de nomine Acaci passim loquuntur. Post dictum Legatorum ex urbe Constantinopoli, Felix defensor Ecclesie Romanae, quam Felix ex Latero suo Legatum miscerat, cum Vitalis atque Misenus ex sacerdotali collegio electi suffissent, ut testatur Felix in libello ad Zenonem Augustum, cogente morbi necessitate tardius subsecutus, ita contumeliosè exceptus est ab Acacio, ut nec eum in conspectum suum admittere sustinuerit, ut testatur Felix in sententia damnationis Acacii. Addit Liberatus Felicem praterea detrufum esse in custodiam, & chartas ejus ablatas: ideo scilicet quod Acacio ac Petro, sicut Vitalis ac Misenus fecerant, communicare noluisset. Priusquam Legati Romam reversi essent, fama adventum eorum præveniens, prævaricationem eorum ubique divulgaverat. Sed & Monachi Accemitenenses, quorum dux erat Symmeones, veloci cursu prægressi, Felicem Papam de cunctis que acta erant Constantinopoli, certiorem fecerant. Tandem igitur ingressis in urbem Legatis, Felix Papa Synodum sexaginta septem Episcoporum collegit in Basilica beati Petri. Illic Vitalis ac Misenus cum legationis sibi mandate rationem reddere juberantur, ad vanas excusationes conversi, vim sibi factam, seque hostili more captos, & in carcere detuleros chartis omnibus sibi ablatis, conquisti sunt. Fraudibus denique ac fallacibus circumventos, se nescientes Petro Alexandino communicales dixerunt. Quae cum dicenter, inductus in iudicium Symmeones Monachus, convictus eos mendacii. Eo enim tempore quo ad celebranda Missarum solennia una cum Acacio processerunt, Apocrisiarios Petri simul adiunxisse & nomen Petri, quod ante nonnisi tacite & occulte in Ecclesiasticis tabulis legebatur, ipsis tunc præsentibus, palam inter Altaria recitatum esse docuit. Præterea Legatos nunquam sermonem conferre voluisse cum Orthodoxis qui eos adibant Constantinopoli, nec litteras Felicis Papæ reddendas iis curasse ad quos fuerant scriptæ. Quin etiam Silvanus

A Presbyter, qui unà cum Legatis versatus erat Constantinopoli, cuncta quæ à Symone dicta erant, verissima esse, testimonio suo confirmavit. Quibus compertis, Felix Papa primò quidem Vitalem ac Misenum Episcopos Sacerdotio simul & Communione privavit. Petrum deinde Alexandrinum, & Acacium Constantinopolitanum à sacerdotali collegio, & ab Ecclesiastica Communione pronuntiavit alios. Hæc est prima damnatio Acacii in Synodo Romana, quæ collecta est anno Christi 484, die 5. Cal. Augusti, Theodosio & Venantio Cosl. ut colligitur ex sententia depositionis, quam Felix Papa ad Acacium misit. Hujus autem Synodi Romanae unicum hodie supereft fragmentum, quod refert Evagrius in cap. 21. libri 3. pars scilicet sententia ab universa Synodo prolatæ in Petrum & Acacium. Quanquam in supradicto Evagrii loco Acacius diserte non dicitur fuisse depositus. Nempe Evagrius priorem duntaxat partem sententiae Synodalis referre satis habuit; Posteriorum vero partem in qua depositus & excommunicatus erat Acacius, de industria prætermisit: sive quod id ipsum jam antea retulerat, in cap. scilicet 18. ejusdem libri: sive quod honori sedis Constantinopolitanæ consulturum se existimavit, si id reticeret, quod Constantinopolitanos Antistites molesto animo ferre non ignorabat.

C

Caput III.

De secunda damnatione Acacii.

POst damnationis sententiam, omnium Episcoporum, qui tunc aderant ore in Acacium prolatam, Felix Papa aliquantis per substatit, nec eam protinus ad Acacium mittendam putavit; expectans videlicet num Acacius resipisceret, & mutato proposito sese ab hereticorum communione revocaret. Verum Acacius, tantum absit ut priora delicta correxit. Quin potius ex Principis favore ac patrocinio fiduciam sarmens, graviora adhuc adjectit. Quippe Calendione Orthodoxo Episcopo è sede sua dejecto, quem ipse Episcopum ordinaverat, Petrum Fullonem, & à sede Apostolica, & ab ipso antea damnatum in Antiochenium Ecclesiam innisit. Ex quo factum est, ut Eusebiani hereticis aditus panderetur. Pulsis enim Catholicis Sacerdotibus, in eorum locum subrogati sunt heretici, ut testatur Gelatius, tum in Epistola quam scripsit ad Episcopos Dardaniae, tum in ea quam scripsit ad Episcopos Orientales. Quod si quis Episcoporum Orientis, qui tunc iussu Zenonis depositi sunt, nomina scire desiderat, hæc sunt: Nestor Tharcensis, Cyrus Hierapolitanus, Joannes Cyrestensis, Romanus Chalcidis, Eusebius Samotatenus, Julianus Mopsuestenus, Paulus Constantini, Manus Hemerius, Andreas Theodosiopolis Episcopi; quos Imperator Zeno ob

